

Na osnovu člana 13. Zakona o principima lokalne samouprave Federacije Bosne i Hercegovine ("Službene novine Federacije BiH", broj 49/06 i 51/09), člana 23., 55. i 104 Statuta Općine Ilijaš, prečišćeni tekst ("Službene novine Kantona Sarajevo", broj: 20/09) i člana 99. Poslovnika Općinskog vijeća Ilijaš ("Službene novine Kantona Sarajevo", broj: 2/10 i 18/15), Općinsko vijeće Ilijaš na svojoj redovnoj 25. sjednici održanoj 29. novembra 2018.godine, donijelo je:

## **PRAVILNIK**

### **o uvjetima, načinu i postupku dodjele sredstava iz transfera za mobilnost mladih Općine Ilijaš**

#### **I OPĆE ODREDBE**

##### **Član 1.**

(Predmet Pravilnika)

Ovim Pravilnikom propisuju se uvjeti, način i postupak dodjele sredstava iz transfera za mobilnost mladih, te prava i obaveze korisnika finansijskih sredstava za mobilnost mladih Općine Ilijaš.

##### **Član 2.**

(Definicije)

Pod pojmom "mobilnost mladih" u smislu ovog Pravilnika smatra se učešće mladih na:

1. regionalnim i međunarodnim edukacijama, radionicama i seminarima;
2. regionalnim i međunarodnim konferencijama i kongresima;
3. kratkoročni i srednjoročni posjeti u svrhu rada na projektu/istraživanju ili uspostavljanju saradnje na realizaciji projekata od značaja za lokalnu zajednicu;
4. stručnom usavršavanju/praksi;
5. regionalnim i međunarodnim školama koje promovišu neformalno obrazovanje, volonterizam i humanitarni rad;
6. takmičenjima iz oblasti formalnog obrazovanja i kulture;
7. studijskim posjetama u cilju razvoja regionalne i međunarodne saradnje među mladima.

Pod pojmom "mladi" u smislu ovog Pravilnika smatraju se osobe u životnoj dobi od navršениh 15 do navršениh 30 godina starosti, prema Članu 4. (stav 1) Zakona o mladima Federacije Bosne i Hercegovine.

##### **Član 3.**

(Sredstva za provođenje)

Sredstva za mobilnost mladih obezbjeđuju se u Budžetu Općine Ilijaš.

Sredstva se mogu obzbižediti i od drugih institucija vlasti u Bosni i Hercegovini, iz inostranih fondova, od međunarodnih organizacija i drugih donatora iz Bosne i Hercegovine i inostranstva.

##### **Član 4.**

(Troškovi koji se mogu finansirati)

Finansijska sredstva iz Transfera za mobilnost mladih dodjeljivat će se isključivo za finansiranje sljedećih troškova:

1. putovanja (troškovi goriva, autobuske, avionske ili druge putne karte);
2. kotizacije (troškovi učešća na edukacijama, radionicama, seminarima, konferencijama i sl.);
3. boravka (smještaj i hrana) i
4. vize.

Korisnik sredstava je dužan dostaviti dokaz da organizator aktivnosti nabrojanih u članu 2. Pravilnika neće pokrivati putne troškove, troškove kotizacije, troškove vize i boravka.

#### **Član 5.**

(Iznosi sredstava koja mogu biti odobrena)

Maksimalni iznos nepovratnih sredstava u jednoj godini, za jednu osobu iznosi:

- do 100,00 KM za putne troškove, troškove kotizacije i boravka u svrhu aktivnosti koje se odvijaju unutar Bosne i Hercegovine;
- do 200,00 KM za putne troškove, troškove kotizacije i boravka u svrhu aktivnosti koje se odvijaju u zemljama regiona: Hrvatska, Srbija, Slovenija, Makedonija i Crna Gora;
- do 300,00 KM za putne troškove, troškove kotizacije, troškove vize i boravka u svrhu aktivnosti koje se odvijaju ostalim ne pomenutim zemljama.

Nepovratna sredstva se uplaćuju na žiro račun aplikanta.

Pravo na dodjelu nepovratnih sredstava pojedinac može ostvariti samo jednom u toku jedne budžetske godine.

## **II KRITERIJI ZA DODJELU SREDSTAVA**

#### **Član 6.**

(Pravo na dodjelu nepovratnih sredstava)

Pravo na dodjelu nepovratnih sredstava iz Transfera za mobilnost mladih mogu ostvariti pojedinci, učenici i studenti koji se nalaze na redovnom ili vanrednom školovanju u osnovnim, srednjim i visokoškolskim ustanovama, nezaposlene mlade osobe, aktivisti, članovi, volonteri nevladinih organizacija uz ispunjavanje sljedećih uslova:

- da su državljani Bosne i Hercegovine;
- da imaju prebivalište na području općine Ilijaš duže od 3 (tri) godine.

#### **Član 7.**

(Neophodna dokumentacija uz zahtjev)

Uz popunjen obrazac zahtjeva, aplikant je obavezan dostaviti sljedeću dokumentaciju (original ili ovjerenu fotokopiju):

1. Izvod iz matične knjige rođenih;
2. Uvjerenje o državljanstvu;
3. Uvjerenje o kretanju;
4. Dokaz: poziv za učešće ili potvrdu o učešću u aktivnosti iz Člana 2. ovog Pravilnika;
5. Potvrda o redovnom školovanju za učenike i studente;
6. Uvjerenje Službe za zapošljavanje za nezaposlene;
7. Motivaciono pismo;
8. Dokaz ili potvrda o angažmanu u organizaciji/udruženju (ukoliko postoji);
9. Dokaz o ostvarenom uspjehu u formalnom obrazovanju (svjedočanstva ili fotokopija indeksa);

10. Dokaz o ostvarenim rezultatima na općinskim, kantonalnim, federalnim, državnim ili međunarodnim takmičenjima (ukoliko postoji);
11. Podaci o žiro računu.

#### **Član 8.**

(Dokumentacija koja se boduje)

Prijavljeni kandidati bodove stižu na osnovi:

1. motivacionog pisma za učešće u aktivnosti iz Člana 2. ovog Pravilnika;
2. omladinskog aktivizma i volontiranja (angažman u omladinskom, humanitarnom, kulturnom ili sličnom udruženju/organizaciji);
3. ostvarenog uspjeha u formalnom obrazovanju;
4. ostvarenog uspjeha na općinskom, kantonalnom, federalnom, državnom ili međunarodnom takmičenju.

Zahtjevi za dodjelu sredstava vrjednuju se prema broju ostvarenih bodova, uz uslov da je uz zahtjev dostavljena sva neophodna dokumentacija. Dostavljena dokumentacija boduje se u rasponu od 1 do 5 bodova.

#### **Član 9.**

(Aktivnosti koje se neće finansirati)

Finansijskim sredstvima iz Transfera za mobilnost mladih neće se finansirati troškovi putovanja i učešća u aktivnostima vezanima za političke stranke u i van Bosne i Hercegovine koje organizuju domaće i inostrane političke stranke.

### **III POSTUPAK DODJELE SREDSTAVA**

#### **Član 10.**

(Izbor korisnika sredstava)

Finansijska sredstva iz Transfera za mobilnost mladih dodjeljivat će se tokom cijele godine, a na osnovi zahtjeva aplikanata.

U prvih 6 mjeseci, zaključno sa 30. junom tekuće godine, iz transfera za mobilnost mladih može se dodijeliti 50% nepovratnih sredstava od ukupno planiranih namjenskih sredstava za tu budžetsku godinu.

Postupak ocjenjivanja i izbora korisnika finansijskih sredstava vršit će Služba za društvene djelatnosti i poslove mjesnih zajednica Općine Ilijaš u skladu sa kriterijima propisanim Članom 8. ovog Pravilnika.

#### **Član 11.**

(Rokovi)

Zahtjev za dodjelu finansijskih sredstava potrebno je dostaviti najmanje 15 dana prije realizacije aktivnosti iz Člana 2. Pravilnika.

Služba za društvene djelatnosti i poslove mjesnih zajednica dužna je u roku od 15 dana od dana podnošenja zahtjeva, obavijestiti aplikanta o svojoj odluci te je istu dužna obrazložiti.

### **IV DOSTAVLJANJE DOKUMENTACIJE**

#### **Član 12.**

(Podnošenje zahtjeva)

Obrazac Zahtjeva za dodjelu finansijskih sredstava iz Transfera za mobilnost mladih preuzima se na Info pultu Općine Ilijaš.

Cjelokupna dokumentacija dostavlja se na protokol Općine Ilijaš uz obaveznu naznaku "Služba za društvene djelatnosti i poslove mjesnih zajednica Općine Ilijaš – Zahtjev za dodjelu sredstava za mobilnost mladih".

## **V PRAVA I OBAVEZE KORISNIKA SREDSTAVA**

### **Član 13.** (Ugovor)

Aplikant kojem su odobrena sredstava iz Transfera za mobilnost mladih potpisuje Ugovor sa Općinom Ilijaš, kojim će se regulirati prava i obaveze vezano za dodjelu novčanih sredstava za mobilnost mladih.

Ugovor o dodjeli sredstava za mobilnost mladih sadrži: naziv ugovorenih strana, podatke o aplikantu, tačan naziv aktivnosti za koju su sredstva dodjeljena, visinu i način isplate sredstava te druga prava i obaveze ugovornih strana.

Aplikat kojem se dodjele sredstva, po potrebi će Službi za društvene djelatnosti i poslove mjesnih zajednica Općine Ilijaš dostaviti dodatne administrativne podatke neophodne za izradu ugovora i transfer sredstava.

Korisnik sredstava dužan je u roku od 30 dana, od dana završetka aktivnosti iz Člana 2. ovog Pravilnika nadležnoj Službi dostaviti narativni i finansijski izveštaj o namjenskom utrošku sredstava. Obrazac za izvještaj o utrošenim sredstavima preuzima se u Službi za društvene djelatnosti i poslove mjesnih zajednica Općine Ilijaš.

Korisnik sredstava koji nije opravdao namjenski utrošak sredstava, više neće moći koristiti sredstva iz transfera za mobilnost mladih.

### **Član 14.** (Ravnopravnost polova)

Gramatička terminologija korištena u ovom Pravilniku podrazumjeva uključivanje oba pola.

## **VI PRIJELAZNE I ZAVRŠNE ODREDBE**

### **Član 15.** (Stupanje Pravilnika na snagu)

Ovaj Pravilnik stupa na snagu danom objave u "Službenim novinama Kantona Sarajevo".

Broj: 01/1-02-\_\_\_\_\_/18  
Ilijaš, 29.11.2018. godine

**ZAMJENIK PREDSJEDAVAJUĆEG  
OPĆINSKOG VIJEĆA ILIJAŠ**

Alen Hasković, MA šum.

## Obrazloženje:

### I- Pravni osnov:

Pravni osnov za donošenje ovog Pravilnika sadržan je u članu 13. Zakona o principima lokalne samouprave Federacije Bosne i Hercegovine ("Službene novine Federacije BiH", broj 49/06 i 51/09) kojim su po principu enumeracije nabrojane nadležnosti Općinskog vijeća, zatim odredbama člana 23., 55. i 104. Statuta općine Ilijaš, prečišćeni tekst («Službene novine Kantona Sarajevo», broj: 20/09). Članom 23. Statuta općine Ilijaš definiše se da općina Ilijaš u okviru samoupravnog djelokruga, a u skladu sa zakonom kojim se uređuju pojedine oblasti obavlja naročito poslove osiguranja uslova za poštivanje i zaštitu ljudskih prava i osnovnih sloboda u skladu sa ustavom i osigurava lokalne potrebe stanovništva u oblasti brige o djeci, obrazovanju i odgoju, radu i zapošljavanju, socijalnoj zaštiti, kulturi, fizičkoj kulturi i sportu. Članom 55. i 104. Statuta općine Ilijaš propisane su nadležnosti Općinskog vijeća za donošenje akata i drugih propisa, njihovo autentično tumačenje i utvrđivanje prečišćenog teksta. Članom 99. Poslovnika Općinskog vijeća Ilijaš ("Službene novine Kantona Sarajevo", broj:2/10 i 18/15) definisani su propisi koje donosi Općinsko vijeće.

Zaključkom Općinskog vijeća broj:01/1-02-2176-12/18 sa 23. redovne sjednice od 27.09.2018. godine utvrđen je Nacrt Pravilnika o uvjetima, načinu i postupku dodjele sredstava iz transfera za mobilnost mladih Općine Ilijaš koji je upućen u javnu raspravu u trajanju od 30 dana. Javna rasprava je trajala od 01.10.2018. godine do 30.10.2018.godine. U javnoj raspravi pozvani su da učestvuju: političke stranke, omladinska udruženja, Vijeća učenika osnovnih i srednjih škola i ostale asocijacije i udruženja građana.

Zaključno sa 30.10.2018. godine u Službu za društvene djelatnosti i poslove mjesnih zajednica upućena su tri prijedloga koja su obrađena i nalaze se u prilogu dokumenta.

Iznenaduje izrazito mala zainteresovanost pozvanih subjekata za učešće u javnoj raspravi, naročito Vijeća učenika osnovnih škola i omladinskih udruženja na koje se direktno odnosi normativno uređenje ove oblasti.

### II- Razlozi za donošenje Pravilnika:

Programom rada Općinskog vijeća Ilijaš za 2018. godinu nije planirano donošenje ovog Pravilnika, ali se donošenje istog pokazalo potrebnim zbog obezbijedenja sredstava za mobilnost mladih u Budžetu Općine Ilijaš za 2018.godinu.

Evidentno je da mladi općine Ilijaš iz godine u godinu bilježe sve bolje rezultate kako u formalnom i neformalnom obrazovanju, tako i u ostalim oblastima društvene nadgradnje i često su sudionici međunarodnih takmičenja u znanju, studijskih posjeta, međunarodnih konferencija, seminara i sl. Sredstva iz transfera za mobilnost mladih treba da povećaju mogućnosti sudjelovanja mladih na navedenim aktivnostima

### III- Obrazloženje pravnih rješenja sadržanih u Pravilniku:

Članom 1. definiše se predmet i sadržaj Pravilnika u kojem se kaže da se Pravilnikom propisuju uvjeti, način i postupak dodjele sredstava iz transfera za mobilnost mladih, te prava i obaveze korisnika finansijskih sredstava za mobilnost mladih.

Članom 2. date su definicije pojmova korištenih u Pravilniku.

Članom 3. definišu se izvori finansijskih sredstava za provođenje.

Članom 4. definišu se troškovi koji se mogu finansirati iz transfera za mobilnost mladih.

Članom 5. utvrđuju se iznosi sredstava koji se mogu dodijeliti aplikantima.

Članom 6. definisano je ko može biti korisnik nepovratnih sredstava.

Članom 7. definiše se neophodna dokumentacija koju aplikanti prilažu u svrhu ostvarenja prava.

Član 8. definiše dokumentaciju na osnovi koje se ostvaruju bodovi.

Članom 9. definišu se aktivnosti koje se neće finansirati iz transfera za mobilnost mladih.

Članom 10. definiše se način izbora korisnika sredstava.

Članom 11. utvrđuju se rokovi za podnošenje zahtjeva i donošenja odluke o odobravanju finansijskih sredstava.

Član 12. definiše način podnošenja zahtjeva.

Član 13. definiše postupak zaključenja Ugovora o dodjeli sredstava i podnošenja izvještaja o namjenskom utrošku sredstava.

Član 14. sadrži odredbu o ravnopravnosti polova na način da korištena gramatička terminologija podrazumjeva uključivanje oba pola.

Članom 15. utvrđuje se stupanje na snagu Pravilnika.

#### **IV- Finansijska sredstva za provođenje:**

Finansijska sredstva za provođenje obezbijedit će se u Budžetu Opštine Ilijaš.

Sredstva se mogu obezbjeđivati i iz drugih izvora ukoliko neko za to pokaže interes.

Predlagač Odluke je Općinski načelnik shodno odredbi člana 113. Poslovnika Općinskog vijeća Ilijaš /"Službene novine Kantona Sarajevo", broj: 02/10 i 18/15/.

Obrađivač Odluke je Služba za društvene djelatnosti i poslove mjesnih zajednica Općine Ilijaš.

Predlažemo Općinskom vijeću Ilijaš da Pravilnik o uvjetima, načinu i postupku dodjele sredstava iz transfera za mobilnost mladih općine Ilijaš donese u dostavljenom tekstu.

Služba za društvene djelatnosti i poslove mjesnih zajednica

U Ilijašu: 29. 11. 2018. godine

**IZVJEŠTAJ O REZULTATIMA JAVNE RASPRAVE PO NACRTU PRAVILNIKA O UVJETIMA, NAČINU I POSTUPKU DODJELE SREDSTAVA  
IZ TRANSFERA ZA MOBILNOST MLADIH OPĆINE ILIJAŠ**

Red. broj	Primjedba-prijedlog dostavljen od:	Primjedba-prijedlog	Stav predlagača
1.	Komisija za mlade i obrazovanje Općinskog vijeća Ilijaš	<p><b>Prijedlog 1.</b> Da se u nacrtu Pravilnika o uvjetima, načinu i postupku dodjele sredstava iz transfera za mobilnost mladih Općine Ilijaš doda novi član koji će definisati da se odobrena sredstva uplaćuju na račun aplikanta.</p> <p><b>Prijedlog 2.</b> Iznos sredstava koja mogu biti odobrena treba udvostručiti.</p>	Predlagač prihvatio navedeni prijedlog i isti uvrstio u član 5. stav 2. Pravilnika.
2.	Vijeće učenika i Vijeće roditelja JU Srednjoškolski centar "Nedžad Ibršimović" Ilijaš	<p><b>Prijedlog 1.</b> Za izmjenu člana 6. Pravilnika, na način da se pored uvjeta da aplikant za dodjelu nepovratnih sredstava iz Transfera za mobilnost mladih mora biti:</p> <ul style="list-style-type: none"> <li>- Državljanin BiH</li> <li>- Da ima prebivalište na području općine Ilijaš duže od 3 ( tri ) godine</li> </ul> <p>Posljednja rečenica u ovom članu da se proširi na način da joj se doda i sljedeće: "ili da pohađa neku od škola na području općine Ilijaš".</p>	Predlagač nije prihvatio ovaj prijedlog.



**Komisija za mlade i obrazovanje**

Na osnovu čl. 45. i 60. Poslovnika Općinskog vijeća Ilijaš ("Službene novine Kantona Sarajevo", br. 2/10 i 18/15), Komisija za mlade i obrazovanje na sjednici održanoj dana 24.09.2018. godine podnosi slijedeće

**PRIJEDLOGE**

- Da se u Nacrtu Pravilnika o uvjetima, načinu i postupku dodjele sredstava iz transfera za mobilnost mladih općine Ilijaš:
- doda novi član koji će definisati da se odobrena sredstava uplaćuju na žiro-račun aplikanta;
  - Iznos sredstava koja mogu biti odobrena treba udvostručiti.

Broj: 01/1-02-SL/18  
Ilijaš, 24.09.2018. godine

Predsjednik Komisije za mlade i obrazovanje  
Kenan Buza, s.r.

\*\*\*\*\*

Ul. 126. Ilijaške brigade br. 6, 71380 Ilijaš  
Tel. ++387 33 580-620, 580-698, fax. 400-505,  
Transakcijski račun kod VAKUFSKE BANKE,d.d. Sarajevo:1602000000710645  
e-mail [ov@ilijas.ba](mailto:ov@ilijas.ba)  
Broj certifikata:20938







Odgovori svima | ▾



Izbriši

Bezvrijedna pošta | ▾

...



# Mobilnost mladih

**Amir Dzafo** <dz.amir@gmail.com>

Danas 8:52

Sluzba za drustvene djelatnosti i poslove mjesnih zajednica; Enisa Mese ▾



Odgovori svima | ▾

## Inbox

Poštovani,

U skladu sa vašim zahtjevom za učešće u javnoj raspravi u vezi sa nacrtom Pravilnika o uvjetima, načinu i postupku dodjele sredstava iz transfera za mobilnost mladih općine Ilijaš, a nakon provedenih aktivnosti u našoj ustanovi (Vijeće učenika i Vijeće roditelja škole) predlažemo izmjenu člana 6. Pravilnika, na način da se pored uvjeta da aplikant za dodjelu nepovratnih sredstava iz Transfera za mobilnost mladih mora biti:

- Državljanin BiH
- Da ima prebivalište na području općine Ilijaš duže od 3 (tri) godine

Posljednja rečenica u ovom članu proširi na način da joj se doda i sljedeće: "ili da pohađa neku od škola na području općine Ilijaš".

Obrazloženje: U konkretnom slučaju, odlasku naše učenice Amne Bašić na međunarodno takmičenje frizera u Parizu na kome je postala juniorska svjetska prvakinja, svjedočili smo nepostojanju pravnog osnova da ova učenica ostvari ikakvu novčanu pomoć za realizaciju navedenog putovanja jer nema prebivalište na području naše općine. Smatramo da svi učenici koji pohađaju neku od škola na području općine Ilijaš u najboljem svjetlu predstavljaju našu općinu i naše škole, bez obzira na njihovo mjesto prebivališta.

Molimo vas da naš prijedlog uputite u dalju proceduru donošenja ovog Pravilnika.

Srdačan pozdrav,

mr.sc. Amir Džafo, direktor

Srednjoškolski centar „Nedžad Ibrišimović" Ilijaš

Kakanjska 16, Ilijaš 71380

+387 33 400 163

+387 61 204 340